

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



চট্টগ্রামের আনোয়ারায় সূর্যের হাসি ক্লিনিক উদ্বোধনী অনুষ্ঠানে বাংলাদেশে যুক্তরাষ্ট্রের রাষ্ট্রদৃত ড্যান মজীনা'র বক্তব্য

আনোয়ারা, চট্টগ্রাম

১লা এপ্রিল, ২০১২

চট্টগ্রাম, ১লা এপ্রিল -- যুক্তরাষ্ট্রের রাষ্ট্রদৃত ড্যান মজীনা আজ চট্টগ্রামের আনোয়ারায় একটি সূর্যের হাসি ক্লিনিক উদ্বোধনী অনুষ্ঠানে নিম্নোক্ত বক্তৃতা দেন।

(বক্তৃতা শুরু)

মাননীয় ডেপুটি কমিশনার, চট্টগ্রাম বিভাগ

মাননীয় উপজেলা চেয়ারম্যান আনোয়ারুল ইসলাম খান

জনাব সালাউদ্দিন আহমেদ, প্রধান নির্বাহী কর্মকর্তা, কর্ণফুলী সার কারখানা

জনাব এস. কে. শফি আহমেদ, প্রধান নির্বাহী কর্মকর্তা, কাফকো

ডঃ জাফরঞ্জ্বাহ গিল, চিফ অফ পার্টি, সূর্যের হাসি ক্লিনিক

সম্মানিত অতিথিবৃন্দ, এবং আনোয়ারার শ্রদ্ধেয় নাগরিকবৃন্দ

আসসালামু আলাইকুম

সুপ্রভাত!

আজ আমরা এখানে ইতিহাস সৃষ্টি করেছি!

আজকের পর এই আনোয়ারাতে জীবন যাপনের ধারা পাল্টে যাবে।

আজ আমরা এখানে একটি নতুন সূচনা উদ্যাপন করতে যাচ্ছি।

আজ আমেরিকা কর্ণফুলী সার কারখানার সাথে অংশীদারিত্বে এই আনোয়ারাতে সুস্থান্ত্রের সংবাদ বয়ে এনেছে।

এটা কোনো যাদু নয়... এটা কঠোর পরিশ্রম আর জোরালো অংশীদারিত্বের ফসল।

আমি একটু ব্যাখ্যা করে বলতে চাই...

আপনাদেরই একজন সহযোগী নাগরিক উদারতার সাথে জমি দান করেছেন যেখানে এখন ক্লিনিকটি দাঢ়িয়ে আছে।

একটি উন্নততর বাংলাদেশ গড়ে তুলতে তাদের প্রচারণার অংশ হিসেবে কর্ণফুলী সার কারখানা এই নতুন ক্লিনিকটি নির্মাণ করতে এবং একটি অ্যাস্ফ্লেন্স ক্রয় করতে সহায়তার হাত বাঢ়িয়ে দিয়েছে।

আর আমেরিকা এর অংশীদার সুর্যের হাসি আর “ফ্যামিলি ডেভেলাপমেন্ট সার্ভিসেস অ্যান্ড রিসার্চ”-এর মাধ্যমে এই ক্লিনিক-এর কার্যক্রম চালাতে সহায়তা করবে।

সারা বাংলাদেশ জুড়ে ৩শ’ ২৫টি সুর্যের হাসি ক্লিনিকের যে নেটওয়ার্ক রয়েছে আনোয়ারাও এখন তার সাথে যোগ দিলো। গত বছরে এই ক্লিনিকগুলোতে তিন কোটিরও বেশি রোগীকে চিকিৎসা সেবা দেয়া হয়েছে। আমি গর্বিত যে বহু বাংলাদেশীর জন্য সুস্থান্ত্য বয়ে আনতে আমেরিকা সাহায্য করছে।

আর এখন আপনারা, এই আনোয়ারার নাগরিকরা প্রাথমিক স্বাস্থ্য সেবায় পূর্ণ প্রবেশাধিকার লাভ করবেন। আর এই সব স্বাস্থ্য সেবার মধ্যে রয়েছে পরিবারের আকার আপনারা যেমন রাখতে চান তেমনভাবে পরিকল্পনা করা, মা ও শিশুদের স্বাস্থ্য পরিচর্যা, এবং আপনাদের পরিবারের সঠিক খাদ্যাভ্যাস গড়ে তোলার ব্যাপারে পরামর্শ লাভ করা যাতে করে আপনার সন্তান আরো সুস্থ থাকে।

চিকিৎসা সেবার জন্য আপনারা যখন এখনে সমবেত হবেন তখন একই সাথে এটি সমাজের সকলের জন্য একটি মিলনকেন্দ্র হিসেবেও গড়ে উঠবে। আর ক্লিনিকটি যেহেতু আপনাদের বাড়ির পাশেই এসে হাজির হয়েছে, তাই আপনাদের পরিবারের স্বাস্থ্য পরিচর্যায়ও এটি ভালোভাবে সহায়তা করতে পারবে।

আজকের এই দারকণ দিনটি সম্মুখের হয়েছে এই গোষ্ঠীর জনগণের উদারতায়, কর্ণফুলী সার কারখানার সৌজন্যে এবং যুক্তরাষ্ট্রের জনগণ ও সরকারের সহায়তায়।

সত্যিকারভাবেই আনোয়ারায় আজ ইতিহাস সৃষ্টি হয়েছে।

=====

*বৃক্তার জন্য প্রস্তুতকৃত

জি/আর ২০১২